

漢書門
 一三四
 四六二
 冊架函號類


內閣文庫
 漢書
 冊架函號類

內閣文庫	
番號	漢 12463
冊數	44 (4)
函號	301 90






大學東
校典籍
局之印



赤水玄珠第二卷目錄
燥門
寒門



中寒

惡寒

頭痛門

附頭風

眉稜眶痛

雷頭風

大頭病

風屑

頭重

赤水玄珠

第二卷目錄

一

元氣然後三陰三陽上奉之謂之標六氣皆有化舉
太槩也而難經亦曰辛商也丙之柔則金之化明天觀
運氣以郊酉為陽明燥金司天者又豈無所本哉夫金
者西方之氣在人主肺運氣所以不言肺而言陽明
者緣肺為華蓋雖陰臟居膈上處陽之部位必待
陽而後發故屬陽明也金之化清與燥主於秋為五
之氣主秋分后六十日有奇自斗建酉正至亥之中天
度至此清氣乃行萬物皆燥也一年之間有此必然
之勢亦有此必然之理也何以然金屬庚辛辛為丙

婦帶火之氣故燥予故曰素問言燥者指今氣
也諸書云燥者指病機也燥之胎自丙中来故
古人有云莫治風莫治燥治得火時風燥了此
深得夫燥之旨者同志者詳之
內經病機云諸澁枯涸乾勁皴揭皆屬於燥
其燥本風熱論
原病式云經曰風熱火同陽也寒燥濕同陰也又
燥濕小異也然燥雖屬秋陰而異於寒濕故反
同其風熱也故火熱盛金衰而風生則風能勝

示火本味
三卷

三

濕熱能_レ耗_レ液_ヲ而反_テ燥陽實陰虛則風熱勝_テ於水
濕而為_ス燥也凡人風病多_ク因熱甚而成燥者為_ス
其_ヲ兼_ニ化_シ以_テ熱_ヲ為_ス其_ノ主_也然陽實陰虛而風熱太
甚以_テ勝_ニ水_ヲ濕_ヲ因_テ而成_ス燥肝主_ニ於_ニ筋_ヲ而風氣自甚
又燥熱加_ニ之_ニ液_ヲ還_テ聚_ル於_ニ胸_ヲ膈_ヲ則筋太燥也燥金
主_ニ於_ニ收_ヲ斂_ヲ勁_ヲ切_ヲ緊_ヲ濇_ヲ故_ニ為_ス病筋脉勁強緊急而
口噤也或病燥熱太甚而脾胃乾涸成_ス消渴者
或風熱燥甚怫鬱在_ニ表_ヲ而裏氣不舒善伸數欠
筋脉拘急或時惡寒或筋惕而搐脉浮數而絃

也風熱燥并鬱甚於裡故煩滿而或悶結也及
風癩之發作者由熱甚而風燥為兼化涎溢胸
膈而瘕瘕昏冒僵仆也凡此諸症皆由熱甚而
生風燥各有異者由風熱燥各微甚不爭故也
所謂中風或筋緩者因其風熱勝濕而為燥乃
燥之甚也然筋緩不收而痿痺及諸臍鬱病痿
皆屬金肺乃燥之化也如秋深燥甚草木痿落
而不收病之象也是以手得血而能握足得血
而能步夫燥之為病者血液衰少也而又氣血

不能通暢故病然也

論結燥病本不同

東垣曰金匱真言論云北方黑色入通於腎開竅於二陰藏精於腎又云腎主大便大便難取足少陰夫腎主五液津液潤則大便如常若飢飽勞逸損傷胃氣及食辛熱味厚之物而助火邪伏於血中耗散真陰津液衰少故大便結燥然結燥之病不一有熱燥有風燥有陽結有陰結又有年老氣虛津液不足而結者治法云腎惡

燥急食辛以潤之結者散之如少陰不得大便以辛潤之太陰不得大便以苦瀉之陽結者散之陰結者熱之仲景云大便硬小便利不可攻下以脾約丸潤之食傷太陰腹滿食不化腹响然不能大便者以苦瀉之太抵津液耗少而燥者以辛潤之有物而結者當下之若不究其源一槩用巴豆牽牛之類下之損其津液燥結愈甚有復下復結極則以至引導於下而不能通者遂成不救之症可不慎哉

劉宗厚曰按此只是論結燥言裏証也河間所論則兼表裡而言

醫經統旨曰燥是陽明之化雖因於風熱所成然究其原皆本於血虛津液不足所至者為多何也蓋陰血虛則不能榮運乎百骸津液衰則無以滋養乎三焦由是邪熱怫鬱而燥變多端或燥於外歟則皮膚皴結或燥於內歟則精血枯涸燥於上咽鼻焦乾燥於下便溺閉結治之者外以滋益之內以培養之在上清解之在下通

潤之務使水液自生而燥熱不容於不退矣

張子和治一婦人大便燥結小便淋澁半生不娠惟常服疎導之藥則大便通利暫廢藥則結滯忽得孕至四五月間醫者禁疎導之劑大便依然常為難臨圓則努力為之胎墜者三又孕已經三四月弦望前後溲溺結澁其分胎墮乃訪戴人戴人診其两手脉俱滑大雖滑大以其且孕不敢陡攻遂以食療之用花碱煮菠菱葵菜以車前子苗作茹雜猪羊血作羹食之半載居然

生子其婦燥病方愈

戴人曰予見孕婦利膿血下迫極努損胎但同前法治之愈者莫知其數也為醫拘常禁不能變通非醫也非學也識醫者鮮是難說也

又治一男子年六十餘病腰尻脊膝皆痛數載不愈晝靜夜躁大痛徃來屢求自盡天年且夕則痛作必令人以手槌擊至四五更雞鳴則漸減向曙則痛止左右及病者皆作鬼神陰譴白虎齧朝禱暮祝現巫僧道禁師至則其痛似減又

夢鬼神戰聞山川神廟無不祭者淹延歲月肉瘦皮枯飲食減少暴怒日增惟候一死有書生曰既云鬼神虎齧陰譴之禍如此禱祈何無一應聞陳郡有張戴人精於醫可以問其鬼神白虎與病乎彼若術窮可以委命其家從之戴人診其兩手脉皆沉滯堅勁力如張絙謂之曰病雖瘦難於食然腰尻脊膝皆痛者必大便堅燥其左右曰有五七日或八九日見燥糞一兩塊如彈丸結硬不可言曾令又刺取之僅下一兩

塊渾身燥痒皮膚皺揭枯澁如麩片戴人既得
病之虛實隨用大承氣湯以姜棗煎之加牽牛
頭末二錢不敢言是瀉劑蓋病者聞煖則悅聞
寒則惧說補則從說瀉則逆此弊非一日也而
況一齊人傳之衆楚人咻之乎及煎成使稍熱
點之從少至多累至三白天且晚臟腑下泄四
五行約半盆以灯視之皆燥糞燥痺及瘀血雜
臟穢不可近須臾痛減九分昏睡鼻息調如常
人睡至明日將夕始覺飢而索粥温涼與之又

困睡一二日其痛盡去次令飲食調養日服導
飲九甘露飲滑利便溺之藥四十餘日乃復鳴
呼世傳三十六虎書三十六黃經及小兒三十
六吊誰為之耶始作偏者其無後乎古人以醫
為重故醫之道行今之人巨醫為輕故醫之道
廢學者自局於術藝病者亦不擇精粗一槩待
之常見官醫迎送長吏馬前折腰真可羞也由
是博古通今者少而師傅遂絕靈樞經謂刺與
汗雖又猶可拔而雪結與閉雖又猶可解而决

去腰脊膀胱痛者足太陽膀胱經也膀胱痛足少陽
膽經之所過也難經曰諸痛為實內經曰諸痛
痒瘡瘍皆屬心火注曰心寂則痛微心躁則痛
甚人見巫覡僧道禁飾至則病稍去者心寂也
然去其後來者終不去其本也古之稱痛隨利
減不利則痛何由去病者既痊乃壽八十歲故
凡燥症皆三陽病也
內經燥治法燥淫於內治以苦溫佐以甘辛以辛
潤之以苦下之

治風之劑

機要大秦羌湯 治血弱陰虛不能養筋燥而
手足不能運動指爪乾枯屬風熱甚者

- 秦羌 石膏 略二 甘草 川芎
 - 當歸 芍藥 羌活 獨活
 - 防風 黃芩 白芷 生地黄
 - 熟地 白朮 茯苓 略一 細辛 五錢
- 春夏加知母一兩
右剉每服一兩水煎服天陰雨加生姜七片

麻仁丸

郁李仁 麻仁各六 檳榔五錢 大黃二兩五錢

山藥 防風 枳殼炒各七錢 羌活

木香鎔半五

右為末煉蜜為丸如梧子大每服二十丸

溫湯下

東垣潤腸丸

治脾胃中伏火大便秘澁或乾燥

閉塞不通全不思食乃風結秘血結秘皆令閉塞也

以潤燥和血疎風自然通矣

麻子仁兩 羌活

歸尾

大黃煨

皂角仁

秦艽鎔五

薤仁去皮尖

右除二仁另研餘為末煉蜜為丸如梧子

大每服三五丸食前白湯下

又有潤燥丸一方於本方加郁李仁防風

東垣導滯通幽湯

治大便難幽門不通上冲吸

門不開噎塞不便燥閉氣不得下治在幽門以

辛潤之

當歸

升麻

桃仁另研各一錢 紅花三分

生地黄 熟地各五分 甘草分三

右水煎調棗柳末五分

加大黃名當歸潤燥湯

脾約丸

麻仁錢一兩二 枳實

芍藥各二 大黃蒸四兩

杏仁去皮尖炒

為末煉蜜丸如梧子大每二三十九溫水下

潤躰丸

郁李仁

大黃

桂心

黑丑

當歸

黃柏各五錢 輕粉少許

右為末水丸梧子大每服三四十九溫水下

滋燥養榮湯

治皮膚皴揭筋燥爪枯

當歸

酒洗

生地黄

熟地黄

白芍

秦艽

黃芩

各錢五分

防風

一錢

甘草

五分

水煎服

大補地黄丸

治精血枯涸燥熱

黃柏

鹽酒炒

知母

鹽酒炒

枸杞子

三兩

熟地

四兩

山藥

三兩

山茱萸

白芍

各二兩

生地黃

二兩半

當歸三兩 玄參

肉蓯蓉酒浸各一兩半

右為末煉蜜丸如桐子大每服十八丸

大前心淡塩湯送下

清凉飲子治上焦積熱口舌咽鼻乾燥

黃芩 黃連各二錢 薄荷 玄參

川歸 芍藥各一錢 甘草一錢

水二鐘前分不拘時服大便秘結加大黃

東垣清燥湯治濕熱成痿以燥金受濕熱之邪

是絕寒水生化之源絕則腎衰痿厥之病大

作腰已下痿軟癱瘓不能動方在注夏

半硫丸治冷秘風秘結老人秘

透明硫黃研半夏洗七次

各等分為末生薑糊為丸梧子大每服二十

丸姜湯下或用葱白一條姜三片煎入阿膠

二片溶化食前空心送下

素問 卷之三
寒門
明寒篇
生生子曰寒冬之令氣也六之終氣也水之所司
腎為之主運氣六化篇曰冬之為言終也素問
天元紀大論篇鬼臾區曰道生智玄生神神在
天為風在地為木在天為熱在地為火在天為
濕在地為土在天為燥在地為金在天為寒在
地為水又五行大論篇曰北方生寒寒生水水
生鹹鹹生腎在體為骨在氣為堅在臟為腎其

寒門

明寒篇

生生子曰寒冬之令氣也六之終氣也水之所司
腎為之主運氣六化篇曰冬之為言終也素問
天元紀大論篇鬼臾區曰道生智玄生神神在
天為風在地為木在天為熱在地為火在天為
濕在地為土在天為燥在地為金在天為寒在
地為水又五行大論篇曰北方生寒寒生水水
生鹹鹹生腎在體為骨在氣為堅在臟為腎其

性為冥其德為寒其用為盪其色為黑其化為
 蕭故造化非嚴凜殺厲以固閉之則無以藏畜
 微陽為春生之本故曰冬令嚴寒萬類潛藏君
 子固密啓玄子曰冬三月此謂閉藏水冰地拆
 無擾乎陽夜卧晏起必待日光示人隨時調攝
 也設令防閑少疎彼軀虛者觸胃之傷太陽寒
 水之經而為外感之証即時而病頭項痛腰脊
 強脉浮而緊名曰傷寒其症浩大傳變多端愚
 故採諸家傷寒另為一卷以統治之茲特以病

機屬於內因者條列於斯所以別內外以見先
 賢用心有定宗又使後輩調劑有定向也故首
 著中寒而以雜症屬寒者亦隸焉

中寒 雜症附

丹溪曰中寒非傷寒可比傷寒乃外感寒邪必大
 發熱循經而入以漸而深熱雖甚不死中寒乃
 倉卒感受其病即發而暴此胃氣之大虛也若
 不急治去生甚遠速當溫補
 生生子曰寒乃天地凝殺厲之氣惟軀虛乃易

赤水玄珠 卷之三
感之其能面青口噤四肢強直卒急疼痛甚則
昏迷不省人事脉多遲緊急宜以姜附湯温之
或理中湯加附子治之雜症亦有寒者非若中
寒之猛而急也又或炎天避暑者乘風取凉或口
食生冷皆有寒症

劉守真病機曰諸病上下所出水液澄徹清冷下
痢清白吐痢腥穢食已不飢堅痞腹滿急痛癰
瘕癩疝屈伸不便厥逆禁固皆屬於寒
內經曰陰氣有餘為多汗身寒又曰陰盛則身寒

汗出身常清數慄而寒寒則厥

受寒甚者手足厥冷腹中絞痛唇青氣冷可急於
臍下三寸丹田穴上灸之或三五十壯或百壯
俟手足温煖為度或用熨法亦可

姜附湯 治中寒口禁四肢強直失音不語忽眩
暈倒口吐涎沫狀如暗風手足厥冷或復煩躁
蕪陰疝傷寒大便利而發熱者
乾姜五錢 熟附子三錢

煎水二鍾煎八分作二次服

或慮此方太燥即以附子理中湯相繼服姜附
 本治傷寒經下后又復發汗內外俱虛身無太
 熱晝則煩躁夜則安靜不渴六脉沉伏並宜服
 此不知脉者更宜審之兼治中脘虛寒久積痰
 水心腹冷痛霍亂轉筋四肢厥逆
 理中湯 治五臟中寒口噤失音四肢強直兼治
 胃脘停痰冷氣刺痛
 人參 乾姜炮 甘草 白朮各二錢
 水二鍾煎至一鍾不拘時服

加附子名附子理中湯
 沉附湯 治虛寒無陽胃弱乾嘔
 附子炮 乾姜炮 沉香 白朮各二錢
 甘草 右分二服每服加生姜五片水二鍾煎八分
 食遠服
 生料五積散 治感冒寒邪頭痛身疼項強拘急
 惡逆吐逆腹痛又治傷寒發熱頭痛惡風無問
 內傷生冷外感風寒及寒濕客於經絡腰脚痠

痛及婦人經血不調或難產並治之

白芷七分半夏厚朴川芎

甘草枳壳茯苓當歸

桔梗乾姜炮芍藥肉桂各八分

麻黃陳皮銛一蒼朮二錢

作一帖生姜三片芎白三莖水二鍾煎一鍾

不拘時服

正氣散 治傷寒陰症增寒惡風正氣逐冷

方見霍亂門

理氣治中湯 治寒氣攻心嘔逆心腹絞痛或泄

大瀉四肢厥冷或疝氣攻築小腹疼痛並宜服之

青皮陳皮人參白朮炒

炮姜 甘艸銛木香七分

生姜三片水煎服

肉桂散 治傷寒服冷藥過多心腹滿脹四肢厥

冷昏沉不省人事變為陰毒惡症

肉桂白朮木香厚朴

良姜銛白芍 人參陳皮

前胡

當歸

附子炮各

一兩

吳茱萸

五錢

每服五錢姜三片紅棗三枚水煎不拘時服

溫中湯脈沉遲乃胃中寒也及胸膈滿悶身躄

拘急手足逆冷急宜溫之

丁皮

厚朴各一兩

乾姜炮

白朮

陳皮

丁香各二錢

白朮

右俱末每服二錢菝白湯調下

木附理中丸治中寒急心腹痛

人參

附子炮

炮姜

白朮

炙甘草

木香

丁香

各等分為末煉蜜為丸如梧子大每服六七

十丸白湯食前送下

沉香桂附丸

治中寒心腹冷痛霍亂轉筋等症

沉香

附子炮

炮姜

良姜炒

官桂

茴香炒

川烏炮去

吳茱萸湯浸洗

炒

各等分為末醋煮麵糊為丸梧子大每服五

七十九米飲下空心食前二次忌生冷

熨法治三陰中寒一切虛冷厥逆嘔噦陰盛陽

虛及陰毒傷寒四肢厥冷臍腹痛咽喉疼嘔吐
下利身背強自汗脉沉細唇青面黑諸虛冷証
皆治

肥葱剉細麥麩皮各三食鹽二兩

用水一大盞同和拌勻濕遍分作二次入鍋
同炒極熟用重絹縫作二包先將一包執熨
臍上冷則易之菟包既冷再加鹽水拌濕炒
熨依前熨之再炒再熨至煤爛不用別另取
新菟麥麩皮入鹽日夜不住手相續至身軀

溫熱陽氣復回脉起為度

人參養胃湯治外感寒邪內傷生冷

蒼朮

厚朴

半夏麩各二錢人參

茯苓

草果

藿香各一錢

陳皮一錢二分

甘草分五

姜三片烏梅半個水煎服

薑桂散溫中散寒

乾姜

良姜各半錢

桂心

木香

半夏麩

炙甘草各一錢

姜五片紅棗三枚水煎服

東垣謂陰氣上溢於陽分則晝寒陰血自旺於陰

分則夜寒氣分寒桂枝加附子湯 桂枝加芍

藥人參湯 血分寒巴戟九神珠丸

桂枝加附子湯 治太陽病發汗遂漏不止惡風

小便難四肢微急難以屈伸

桂枝 芍藥各一兩半 甘草一兩 附子炮半

每服五錢姜四片棗一枚水一鍾半煎七分

桂枝加芍藥生薑人參湯 治發汗後身痛脈沉

遲

桂枝 人參兩半芍藥二兩甘草炙一兩

煎法如上

巴戟丸 治肝腎俱虛收領精氣補真戩陽進美

飲食 白朮 五味 巴戟

覆盆子 茴香 熟地 人參

菟絲子 牡蠣 益智仁

骨碎補 白龍骨各等分

為末煉蜜丸梧子大每服二十九食前米飲

下日三服

神珠丸 治下焦元氣虛弱小腹冷痛皮膚燥癢

小水自利是胎寒而逆 又名離珠丹

杜仲炒三訶子炮五革薢二兩龍骨一兩

破故帛兩三胡桃百枚硃砂另研一砂仁半兩

為末酒糊為丸梧子大硃砂為衣每服三十

丸空心酒下見脈絃數及絃細者皆不可服詳

王海藏治三焦寒用藥大例

上焦寒 陳皮 厚朴 藿香 皆可治之

中焦寒 白朮 乾姜 丁香 皆可治之

下焦寒 肉桂 附子 沉香

上焦寒

鉄刷湯 治積寒痰飲嘔吐不止胸膈不快飲食

貼不下半半夏四錢草薢仁丁香

乾姜一兩訶子皮各生姜一兩

大吐不止加附子三錢生姜半兩分二服水煎

桂附丸 治寒邪冷氣入乘經絡令人卒心痛或

引背脊

川烏 黑附 各兩 炮姜 赤石脂

蘇川椒 去微炒 桂心 各二兩

大右為末 蜜丸 梧子大 每服三十丸 不止加至

五十丸 溫水吞

胡椒 理中丸 治肺胃虛寒 咳嗽喘嘔痰水

良姜 甘草 欵花 藜蘆

細辛 陳皮 乾姜 各四兩

白朮 五兩

為末 蜜丸 梧子大 每三十丸 至五十丸 溫水

或酒作下

中焦寒

附子理中丸 治脾胃冷弱 心腹痞痛 嘔吐瀉利

霍亂轉筋 體冷微汗 滿悶腹鳴 飲食不進

即前理中湯 加附子 為末 用煉蜜丸 梧子大 每

大服三十丸 溫水吞

二氣丹 助陽退陰 治裡寒 心腹刺痛 泄利嘔吐

自汗厥冷 小便不禁 霍亂轉筋 久下冷利

硫黃 桂心 各一兩 炮姜 二錢 黑附子 炮半兩

硃砂二錢
 為末麵糊丸梧子大每服三十丸空心煎艾
 二湯入鹽送下
 大建中湯治內虛少氣厥冷大小腹急不
 食起則微汗陰縮口唇乾燥精滑自出或手足
 乍寒乍熱而煩冤痠痛不能久立常多夢遺
 黃芪中當歸中桂心中芍藥中藥中各二錢
 中中人參中甘艸中錢中一中半夏中黑附子中錢中各二
 每服五錢姜三片棗二枚水煎服

下焦寒
 張仲景八味丸 補腎之不足
 還少丹 大補心腎脾胃治一切虛損肢體倦怠
 小便混濁 山藥 牛膝
 遠志 巴戟 山茱萸 杜仲 熟地 各二兩
 茯苓 楮實子 五味子 菝葜
 天石菖蒲 茴香 各一兩 枸杞 熟地 各二兩
 為末棗膏搗為丸梧子大空心食前溫酒鹽
 湯任下三五十九日 有熱加山梔一兩

赤水珠

三

三

赤白痢疾

三

三

○心氣不安加麥冬一兩 ○精神少再加五味子一兩 ○陽弱加續斷一兩

天真冊治下焦陽虛

沉香

茴香

草薢

巴戟

酒浸去心

破故帛

炒胡芎巴

炒杜仲

燼水

黑牽牛

鹽水炒各一兩

琥珀

桂心

各五

右為末浸酒打糊為丸梧子大空心酒下五

通治三焦甚寒之氣

通治三焦甚寒之氣

大已寒丸 治臟腑虛冷心腹疴痛泄瀉腸鳴自

利自汗米穀不化手足厥冷

華扒

桂心

炮姜

良姜

各十兩

右為末麵糊丸梧子大每服二十九食前米

飲下

四逆湯 傷寒自利不渴嘔噦不止或吐利俱發

小便或澁或利或多汗厥冷脉微欲絕

炙甘草

二兩

炮姜

半兩

附子

半兩

每服三四錢水一鐘半煎七分温服

海藏治下焦寒四逆湯例乾姜味苦止而不行
附子味辛行而不守泄小便不通二藥皆陽氣
化能作小便若姜附木三味內加茯苓以分利
之為往附生用而不炮則無火力熱則行而不
正兼用水多煎少則味厚而直入下焦

治五臟寒方

肝寒雙和散

心寒定志丸菖蒲丸

脾寒益黃丸

肺寒小青龍湯

腎寒八味丸

東垣復和散

補血益氣治虛勞少勞

黃芪

熟地

當歸

川芎

官桂

甘草各七

白芍一錢

姜六片大棗六枚分二服水煎服無時

東垣曰此方予每治傷寒瘧疾中暑太病之後
虛勞氣乏者以此調治極驗不熱不冷温而有
補乃建中四物二方化而為一也

益黃散

陳皮一两青皮

訶子肉

炙甘草各半兩

丁香二錢

益黃右為末每服二三錢水煎服海藏云此劑瀉

姜附湯加麻黃白朮參甘草等分名附子麻

黃湯治中寒濕昏暈緩弱腰脊強急口眼喎斜

語聲渾濁胸腹脹氣上喘急不能轉動兼宜

審而用之大寒不外合二煎水煎服

代灸膏 治老人衰弱元氣虛冷臟腑虛滑腰脚

冷痛沉重減食手足逆冷不能忍者用此代灸

其効不能盡述正氣

大附子炮 吳茱萸 桂皮 木香各半

蛇床子兩 馬藺草兩

為細末每用藥半匙生姜汁半盞白麵半匙

同煎成膏攤於帛上臨臥貼臍以油帛覆其

上綿衣繫之自夜至明乃去每有如此其腰

腹如灸能除寒積若腰痛貼腰眼

霹靂散 乃正治溫散之劑

附子一枚炮熟取出用冷灰罨之良久取出研

末入真臘茶一大錢同和分二服每服水一盞

煎六分臨熟入蜜半匙放溫服之

寒中

東垣曰夫脾胃之症始則熱中終傳寒中經云陰盛生內寒厥氣上逆寒積於胸中是腎水反來侮土此謂所勝者妄行或作中滿腹脹或作涎涕或足下痛不能任身履地骨之無力喜睡兩九多冷時作陰而痛或妄見鬼狀夜夢亡人腰脊背胛俱痛而不渴不瀉此濕氣去而寒獨存血絡凝泣故其脉盛大以濇名曰寒中以白

木附子湯治之

白木附子湯 治寒中諸症

白木

附子炮

陳皮

蒼朮炒

厚朴制

半夏

茯苓

澤瀉各一兩

猪苓

半兩桂心四錢

每服五錢生姜三片水煎服量虛實加減

背寒

仲景云心下有留飲其人背惡寒冷如冰治法茯苓丸之類是也即千金化痰丸

赤茯苓

三卷

二十七

身前寒也

經云胃足陽明之脉氣虛則身以前皆寒慄冷
法宜鍼補三里穴是也

掌中寒者腹中寒魚上白肉有青血脉者是胃中
有寒也理中湯之類

惡寒

丹溪曰久病惡寒當用解鬱○濕痰積中抑遏陽
氣不得外泄身必惡寒○惡寒非寒明是熱症
進士周年近四十得惡寒症服附子數百帖而病

甚脉絃而緩遂以江茶入生姜汁香油此少調
飲之吐痰下升許減大半又與通聖散去麻黃
大黃芒硝加當歸地黃百帖而安

女子惡寒用苦參赤小豆各一錢為末薑水調
飲之吐痰甚多繼用後藥調理

川芎 南星 蒼朮 黃芩

酒打麴糊丸服

上焦不通則陽氣抑遏而皮膚分肉無以溫之
故寒慄東垣升陽益胃湯用升發之劑開發上

焦以伸陽明之氣出於表而溫之也丹溪吐出
濕痰亦開發上焦使陽氣隨吐伸發出外而溫
之也故寒慄皆愈二者乃治陽虛表寒之要
王海藏治一婦先病惡寒手足冷全不發熱脉八
至兩脇微痛治者便作少陽治之陽在內伏於
骨髓陰在外致使發寒治當不從內外從乎中
治也宜以小柴胡調之倍加姜棗

丹溪治一婦年近六十六月內常覺惡寒戰慄喜
裂火御綿汗時如雨形肥肌厚已服附子十餘

帖渾身痒甚兩手脉沉濇重取稍大知其熱甚
而血虛也以四物去川芎倍地黄加白朮黃芪
炒黃柏生甘草人參每服一兩重始煎一帖飲
之腹大泄目無視口無言知其病勢深而藥無
反佐之過也仍以前藥熱炒與之蓋借火力為
向導一帖利止四帖精神回十貼病全安
文蔣氏婦年三十餘形瘦面黑六月喜熱惡寒兩
手脉沉而濇重取則數以三黃丸下之以姜湯
每服二十九二十帖微汗而安又云三補丸亦

頭痛
生生子曰頭為諸陽之首至清至高之處也苟外
無風寒霧露之觸內無痰火濕熱之薰必無痛
也既有內外之因當循內外之治
凡頭痛當分三陰三陽 諸血虛頭痛當歸川芎
主之 諸氣虛頭痛人參黃芪主之 兼見何症
以佐使之藥濟之此立方之大法也 血氣俱

虛於調中益氣湯加川芎蔓荆子細辛其効如
神 濕厥頭痛清空膏主之 諸厥逆頭痛卷
活附子湯主之 濕熱在頭者以苦吐之 世
有真頭痛且發夕死夕發且死原其受病乃氣
血虛極以致風寒暑濕之氣得以犯之名曰厥
頭痛痛引腦巔陷於泥丸宮中非藥所能愈蓋
其根本先絕也 丹溪曰頭痛多主於痰痛甚
者火也有可吐者亦有可下者 東垣曰經云
東風生於春病在肝俞在頸項故春氣者病在

頭又諸陽會於頭面如足太陽經之脉起於目
內眥上額交巔直入絡腦還出別下項病衝痛
又足少陽之脉起於目銳眥上抵頭角病則頭
角額痛夫風從上受之風寒傷上邪從外入客
于經絡令人振寒頭痛身重惡寒治在風池
有調其陰陽不足則補有餘則瀉汗之則愈此
傷寒頭痛也如氣上不下頭痛巔疾者下虛
上實也過在足少陰巨陽甚則入腎寒濕頭痛
也 有厥逆頭痛者所犯大寒內至骨髓以

腦為主腦逆故令頭痛齒亦痛 有心煩頭痛
者病在膈中過在手巨陽少陰乃濕熱頭痛也
凡頭痛皆以風藥治之者揔其大體言之也
高巔之上惟風可到或味之薄者陰中之陽自
地升天者也然亦有三陰三陽之異 太陽經
頭痛惡風寒脉浮緊川芎獨治之類主之 少
陽經頭痛脉弦細往來寒熱柴胡黃芩主之
陽明經頭痛自汗發熱不惡寒脉浮緩長實者
升麻葛根石膏白芷主之 太陰經頭痛必有

痰體重或腹痛為痰癖脉沉緩者蒼朮半夏南
星主之少陰經頭痛三陰三陽經不流行而
足寒氣逆為寒厥其脉沉細麻黃附子細辛湯
主之厥陰經頭疼項痛或吐痰沫冷厥其脉
浮緩吳茱萸湯主之
丹溪云勞後下虛之人似傷寒發熱汗出兩大陽
作痛宜補中益氣湯多加川歸川芎甚者加知
母蔓荊子又云自魚尾上攻而痛屬血虛川
芎川歸酒黃柏諸經氣滯亦能作痛

王節齋曰久頭痛病畧感風寒便發寒月須重綿
厚帕包裹者此屬鬱熱本熱而標寒世人不識
率用辛溫解散之藥暫時得效誤認為寒殊不知
因其本有鬱熱毛竅常踈故風寒易入外寒
束其內熱閉逆而為痛辛熱之藥雖能開通閉
逆散其標之寒邪然以熱濟熱病本益深惡寒
愈甚矣唯當瀉火涼血為主而佐以辛溫散表
之劑以從其標則病可愈而根可除也
郭茂恂之婦產七日不食始言頭痛頭痛已又心

痛作既而目睛痛如割如刺更作更止相去無
 瞬息間每頭痛甚欲取大石壓之良久漸定心
 痛作則以十指抓壁血流滿掌痛定目復痛又
 以兩手自剜取之如是十日不已衆醫無計進
 黑龍丹半粒疾少間中夜再服之服即下瞑目
 寢如平昔至平且下一行約三升許如蝗虫子
 三疾減半已刻又行如前則頓愈矣

頭重

東垣紅豈散治頭重極佳方見醫門

秘方茶調散 風熱上攻頭目昏痛及頭風熱痛

不可忍

片苓 二兩酒拌炒三 小川芎 一兩 細芽茶 三錢

白芷 五錢 薄荷 三錢 荆芥穗 四錢 頭糞及腦痛

加細辛 藁本 蔓荊子 各三錢

右為細末每服二三錢用茶清調下

頭風

丹溪云屬痰者多有熱有風有血虛 在左屬風
 薄荷荆芥血虛川芎當歸 在右屬痰蒼朮半

夏熱則酒苓為主

冲和膏 偏正頭風腫痛并眼痛者塗上立止如

神 紫荆皮炒五兩 獨活去節炒三兩 赤芍炒二兩 白芷

一 菖蒲兩 右為末葱頭煎濃湯調塗藥到痛止

又方 酒苓兩 蒼朮兩 羌活錢各五 防風錢各五 細辛錢二

蒼耳錢三 右為末每服三錢生姜一大片同搗

均茶湯盪起服之

又方 酒苓錢五 蒼朮半錢 羌活 蒼耳 川芎

甘草生酒黃連各半錢 半夏麩半錢 煎風

右為末服法同前

頭痒風屑髮黃 用大黃酒浸炒為末茶調服

川芎散 偏頭痛頭風神效

甘菊 石膏 川芎各三錢 為末每服一錢茶

清調下一方有白姜蚕六錢生用

經驗方 頭風頭痛

藿香 防風各二兩 辰砂 薄荷各一兩 天麻

白朮 白附子 白芷各一兩

右為末糊丸梧子大每服三十丸白湯下

菊花茶調散 諸風頭目昏重偏正頭風鼻塞

菊花 川芎 荆芥穗 羌活 甘草 白芷

各二兩 防風 洗淨 蟬翅 姜蚕 薄荷

錢各五 右為末每服二錢食後用茶清調下

有一婦人患偏頭痛一邊鼻塞不聞香臭常流清

涕或作臭氣一陣服遍治頭痛藥如芎蝎皆不

効人無識此病者或曰腦癰偶有善醫云但服

局方芎犀丸不十數服忽作嚏涕突出一錢稠

膿其疾自愈方見鼻淵

秘方 貼頭風熱痛 大黃 朴硝 各等分

右為末并底坭和攪作餅貼兩太陽穴神効

否則防壞目

祛風清上丸 風熱上攻眉稜骨痛

酒芩 錢二 白芷 半一錢 防風 錢一 柴胡 錢一 荆芥 分八 川芎

一分 羌活 錢一 甘草 分五 水二鍾煎八分食後服

芎辛導痰湯 痰厥頭痛

川芎 細辛 南星 錢各半 半夏 錢二 陳皮 茯苓

片苓 酒炒各一分 枳實 錢一 甘草 分五 如挾風熱甚

者加石羔三錢菊花一錢水二鍾姜三片煎至八分食後服

清空膏 偏正頭痛年深及療風濕熱痛上壅損目及腦痛年深不止

羌活 防風 各一兩 柴胡 七錢 川芎 五錢 甘草 炙一兩半

黃連 炒一兩 黃芩 三兩 一兩半 炒 右為細末每服

二錢熱盞內入茶少許湯調如膏抹在口內少

用白湯送下臨臥服如苦頭痛每服中加細辛

二錢如太陰脉緩有痰名曰痰厥頭痛加羌活

防風川芎甘草又加半夏一兩半如偏正頭痛

服之不愈減羌活防風川芎一半加柴胡一倍

如發熱惡熱而渴正陽明頭痛只與白虎湯加

白芷

小清空膏 諸般頭痛惟血虛頭痛不治用片苓

細切酒拌晒乾為末茶清調下酒亦可

補氣湯 服前藥之後服此藥

黃耆 八兩 甘草 炙 當歸 身 各二錢 柴胡 升麻 各二

細辛 少許 麻黃 炒 若丁香 各五分 水煎服

安神湯 頭旋眼黑頭痛

羌活兩一防風半二錢 柴胡錢五酒黃柏兩一酒知母

酒生地錢各五升麻錢各五黃耆兩二甘草半生半熟四錢

右咀咬每服半兩水二大盞煎至一盞半加

蔓荆子五分川芎三分再煎至一盞臨時時

去渣熱服

右東垣丹溪治虛熱頭痛大率皆以酒芩酒連酒

栝加風劑也

川芎散 頭風偏正頭風昏眩

川芎 細辛 羌活 槐花 甘草 香附

石羔錢各五荆芥 薄荷 菊花 防風 茵陳

右為細末每服二錢食後茶清調下日服

石羔散 頭痛不可忍

麻黃去根石羔各一兩何首烏五錢葛根七錢

右為細末每服三錢生姜三片水煎稍熱服

又方亦名石羔散 頭痛

川芎 石羔 白芷 各等分

右為細末每服四錢熱茶清調下

荆芥散 治頭風 王太醫方 荆芥 石膏 煨各等

右為細末每服二錢姜三片葱白三寸連鬚子使水一盞煎七分食後服

玉真丸 寒濕為多腎氣不足氣逆上行頭疼不可忍謂之腎厥其脈舉之則弦按之則堅

硫黃 二兩 石膏 半夏 湯洗 硝 研各二兩

俱為細末研勻生薑糊為丸梧子大陰乾每服二十九姜湯或米飲下更交關元百壯良方中黃花子亦佳虛寒甚者去石羔用鍾乳

粉一兩

玉壺丸 風濕頭痛亦作痰患

半夏 南星 天麻 為末白麵丸服二錢

姜蚕散 偏正頭痛併夾腦風連兩太陽頭痛

白姜蚕為末用葱茶調服

乳香盞落散 男子婦人偏正頭痛不可忍大有

神効此風盛踈散而痛宜酸以收之

御米殼 去帶四兩 陳皮 甘草 桔梗 去柴胡各一兩

右為細末每服二錢水一鍾入燈心十莖長

赤水五珠

四指同煎七分温服

治時氣頭痛不止 用朴硝二兩為末生油調塗

於頂上

治頭內如虫蛀響名天白蟻用茶子細末吹鼻中

如聖散 眼目偏痛頭風

麻黄燒及盆硝二錢射香 腦子 各少許

右為細末搗之神效

治頭風餅子 五倍子 全蝎 土狗介七

右為末醋糊作如錢大餅子發時再用醋潤

透貼太陽穴上灸熱貼之驗甚仍用帕子縛之吸濃茶睡覺則愈

一奇散 產後頭痛 用當歸川芎為細末每服

二錢水一盞煎七分温服

治產後身熱頭痛肚痛

陳皮 白朮 白芍 各二錢 黃芩 二錢 川芎 一錢

乾姜 牡丹皮 甘草 各一錢 荆芥 五分

分四帖煎服

芎附散 產後敗血作梗頭痛諸藥不效

赤水法

大附子一枚 醃醋一碗 用火四畔炙透 蘸醋令
盡 去皮臍 加川芎一兩 並為細末 每服一錢 茶
清調下
東垣曰 濕熱在頭而頭痛者 必以苦吐之 若用上
項搐鼻藥而涎少者 必兼吐法治之
邪在胃而頭痛者 必下之 其症必兼膈痞或動作
則痛甚 或右手脉滑盛者是也
新沐中風為首風 頭面多汗 惡風 當先風一日 則
病甚至 其風日則少愈 大川芎丸主之

風氣循風府而上 則為腦風 項背怯寒 腦戶極冷
神聖散主之
大川芎丸 首風旋暈 眩急外合 陽氣風寒相搏
胃膈痰飲 偏正頭疼 身體拘倦
川芎一兩 天麻四兩 為末煉蜜丸 每兩作十丸
每服一丸 細嚼茶酒下 食後服
神聖散 腦風邪氣 留飲不散 項背怯寒 頭痛不
可忍者

麻黃去節 細辛去苗 乾葛生 藿香葉各等分

右為末每服二錢煮荆芥薄荷酒調下茶亦得併治血風症

大全黑龍丹 產後寒凝血滯或胞衣不下或汚

血奔心危急惡疾垂死者但灌藥入口便活妙

通神聖 當歸 五靈脂 川芎 良姜 熟

地 各三錢 右研末入罐益泥固濟抵口炭十觔

煨令通赤冷定取開看成黑糟色細研入後藥

百草霜 五錢 硫黃 乳香 各一兩 花蕊石 琥珀 各三錢

右五味為末并前和勻丸如芡實大每服一丸

雷頭風 俗名非也

張子和曰雷頭風者結核塊於頭上而作痛者是

林也可用茶調散吐之次用神芩丸下之然後服

烏荊丸及愈風餅子之類消風散熱是其治也

如涼膈散之類

又云雷頭風是頭上有赤腫結核或如酸棗狀可

用排針出血則愈矣

生生子曰所謂雷頭風者必是痰結核塊或先暗

有於頭上然後隨遇而發或勞役或酒色或食

傳灸動風發毒之物感而發之或紅或腫而痛
主作矣急則治其標針而血出風散火滅痛自滅
去或有之也若先無結塊痰核卒然發寒熱而
又腫痛者乃風毒也不可察

茶調散

又名二散

瓜蒂

茶葉

為末每服二錢葦汁調服乃取吐藥也

神芎散實者下之是也能去膈上滯痰

大黃

黃芩

各二兩

牽牛

活石

酪四

為細末滴水為丸如小豆大溫水下十五丸每

服加十九以利為度日三服

愈風餅子

川烏

川芎

甘菊

白芷

薄荷

防風

細辛

天麻

羌活

荆芥

甘草

各等分

為細末水浸蒸餅為劑捏作餅子每服三五餅

細嚼茶酒送下不拘時候

保命集云夫治雷頭風諸藥不效者為與症不相

對也蓋雷頭風者震卦主之震仰盂故予製藥

內加荷葉者象震之形其色又青乃述類象形

當煎局方中升麻湯主之治頭面疙瘩增寒拘
 急發熱狀如傷寒升麻蒼朮薄荷
 為細末每服五錢水一鍾煎七分溫服食後
 或燒全荷葉一個研細調藥服之
 生生子曰按二公方論俱以結核疙瘩而用風藥
 論治且指震為雷為譬固美矣恐猶未盡善也
 夫此病未有不因於痰火者蓋痰生熱生風
 故也核塊疙瘩皆有形可徵痰火上升壅於氣
 道兼於風化則自然有聲輕則或如蟬之鳴重

則或如雷之響故以聲如雷而為名也或以其
 發如雷之迅速也設如前論盡作風熱治之恐
 認標而忘其本也予故附痰火一方于後以俟
 陳明哲評之
 白姜蚕粉草半夏
 連喬片苓陳皮桔梗大黃
 薄荷葉白芷天麻青礞石
 俱為細末水浸餗餅為丸如綠苴大食後臨卧
 茶吞三錢以痰利為度然後用清痰降火煎藥

璋調理
 山北
 日三

紅萱散 頭重如山此濕氣在頭也

麻黃根炒苦丁香各五分紅豆十粒羌活燒連喬各

錢右五味為細末鼻內搐之

頭風膏 肝經風盛也大便實瀉青丸主之虛則消

風散主之

消風散 諸風上攻頭目昏痛項背拘急肢體煩

痛肌肉蠕動目眩旋運耳簫蟬鳴眼澁好睡鼻

塞多嚏皮膚頑麻燥痒癢疹又治婦人血風頭

皮腫痒骨節疼旋欬倒痰逆惡心

川芎 羌活 人參 茯苓 白姜 蚕 藿香

荆芥 甘草 蟬殼去土各二兩厚朴姜製陳皮去白各五錢

防風 右為細末每服二錢茶清調下如久病

偏頭風每日三服便愈輕減如脫着沐浴暴感

風寒頭痛身重寒熱倦疼用荆芥茶清調下半

盞不拘服之小兒虛風目澁昏倦及急慢驚風

用乳香荆芥湯治風屑極燥痒無時此乃氣虛

風邪侵於皮表用藜蘆不拘多少為末先于無

風處洗頭候將乾時用末搽之須用入髮至皮

乃緊縛之一日夜次日即不燥痒如尚有些少
可再用一次立効

頭上白屑極多山葦根油浸塗或以乳汁調

又方白芷 零零香 各等分 為末如前法用之

候三五日篋去敷二三次終始不生

大頭病

頭痛腫大如斗是也大率多是天行時疫病

泰和年東垣以監納濟源稅時長夏多疫癘初覺
增寒體重次傳面目腫盛目不能開上喘咽喉
不利舌乾口燥俗云大頭天行親戚不相訪問

如染之多不救張縣丞亦得此症至五六日醫
以承氣湯加板藍根下之稍緩翼日其病如故
下之又緩終莫能愈漸至危篤或曰李明之存
心於醫可以請治遂命診視具說其由曰夫身
半已上天之氣也身半已下地之氣也此雖邪
熱客於心肺之間上攻頭而為腫盛以承氣下
之瀉胃中之實熱是誅罰無過殊不知適其病
所為故遂處方用黃連黃芩味苦寒瀉心肺間
熱以為君橘紅玄參苦寒生甘草甘寒瀉火補

氣以為臣連喬鼠粘子薄荷葉苦辛平板藍根味甘寒馬尾勃白姜蚕味苦平散腫消毒定喘以為佐新升麻柴胡苦平行少陽陽明二經不得神桔梗味辛溫為舟楫不令下行共為細末用湯調時時服之拌蜜為丸噙化之服盡良愈因歎曰往者不可追來者猶可及凡他所有是病者皆書方以貼之全治甚眾

普濟消毒飲
 黃芩 黃連 各五錢
 人參 三錢
 橘紅 五錢
 玄參 各二錢

連喬鼠粘子 板藍根 馬尾勃 甘草
生柴胡 桔梗 各二錢
 白姜蚕 炒升麻 各一錢
 為細末服如前法或加防風薄荷當歸身川芎每服五錢水煎食後時時熱服如太便硬加酒煨太黃一錢以利之腫熱甚者宜砭刺之生生子曰觀消毒飲以普濟二字為命名之首書告四方使人人得躋壽域者君子之存心也乃今時之醫偶獲一末穩之方就括囊緘口自秘終身為微利之計視此普濟消毒飲寧不自愧

於心乎
大頭病者雖在身半以上熱伏于經以感天地四
時非節瘟疫之氣所着以成至于潰裂膿出而
主又染他人所以謂之疫癘也大抵足陽明甚則
逆傳視其腫勢在何部分隨其經而取之濕熱
為腫火盛為痛此邪發於首多在兩耳前後所
先見出者為主為根治之宜早藥不宜速恐過
其病所謂上熱未除中寒已作有傷人命矣此
疾是自內而之外者是為血病况頭部分受邪

見於無形之處至高之分當先緩而後急先緩
者謂邪氣在上着無形之部分既着無形所傳
無定若用重劑大瀉之則其邪不去反過其病
矣雖用緩藥若又急服之或食前或頓服或失
緩體則藥不能除病矣當徐徐清無形之邪或
藥性氣味形體擬象服餌皆須不離緩體及寒
藥或酒炒浸之類是也後急者謂前緩劑已經
高分瀉邪氣入於中是到陰部染於有形質之
所若不速去反損陰也此却為客邪當急去之

是治客以急且治主當緩者謂陽邪在上陰邪在下各為本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治客以急也假令少陽之明之為病少陽者諸邪出於耳前後也陽明者首面大腫也先以黃芩黃連甘草通炒過剉煎少、不住服呷之或服畢再用大黃或酒浸或煨又以鼠粘子新

瓦上炒香咬咀煎去渣內芒硝各等分亦細細呷之當食後用徐得微利又邪氣已只服前藥如不已再服後藥依前次第用之取大便利邪已則止如陽明渴者加石膏少陽渴者加瓜蒌根陽明行經加升麻葛根芍藥之類太陽行經加羌活防風荆芥之類選而加之並與上藥均合不可獨用散也

黑白散 大頭病如神

烏黑蛇 酒浸 白花蛇 酒浸 雄黃 兩 大黃 錢 煨 五

為細末每服一二錢白湯調下

治疫毒頭重者甘桔湯加鼠粘子大黃芒硝

大頭天行病 羌活 酒芩 酒蒸大黃

大頭風用井底泥調大黃芒硝塗之

又方治大頭疫如神 貫衆錢三 葛根錢二 甘草半錢

白姜蚕錢炒 一水煎服極佳加黑薑三錢尤妙

大宮詹少溪吳馭閱校

終

七

新編
卷之二

天... 大... 又... 白... 天... 大... 又... 白...
天... 大... 又... 白... 天... 大... 又... 白...
天... 大... 又... 白... 天... 大... 又... 白...

